

آذربایجان و مسئله لری

Bu zamana ayid sozlar

گونلریمیز بیر بیرینین آردینجا گلیب کئچیر . هله دونیانین یئنی عصرینه داخیل اولمامیشیق . ۲۰۰۴ ایل ده باشلادی آنجاق دونیانین گریبه قالمیش خالقارینا تای بیزیم خالقیمیزدا یورقانیی اوستونه برک چکیر کی یوخوسو قاچماسین .

2003 cu il neca kecdi?

۲۰۰۳ جو ایل باشقا ایلره تای بیر اولایلی ایل اولدو . هم بیز یاشادیغیمیز یئرلرده همده دونیانین باشقا اولکه لرینده بویوک اولایلار باش وئردی .

۱۳۸۱ جی ایلین *هله قیشی قورتارمامیشدی ، آذربایجان بایرام قوناقلارینی گوزله بیردی . هابئله باشقا بولگه لره تای توریست لر ده بورایا گله جکدی .

آنجاق "آمریکالیلارین صدام و تروریستلره ووروشماغی توریستلرین آذربایجانا گلمه مک لرینه سبب اولدو"!!!! .

بوسوزلری تبریزین "میراث فرهنگی" اداره سینین مودورو دئدی .

بوسوز چوخ گولونج بیر سوزدور . نیه بس باشقا استانلاردا بوسب توریستلری ن سایه سینین آزالتمادی؟

*بایرام آیی کئچدی . ایراندا یاشایان ائرمنی لر اویدوروجو و یالان اولان بیر اولاین اساسیندا تور کلرین و دوغروسو مسلمانلارین قارشیسینا تظاهرات ائتدیلر . باشقا ایلره تای!

آنجاق بیز مسلمانلار بیر گون خوی ، ارومیه ، سلماس ، و اورادا اولان کندلرین اهالیسینین سویقیریمینا خاطر خیواوانلارا چیخیب اولارین قانی یئرده قالماسین - دئییه دانیشساق ، هیچ کیم بیزلره بو ایزن و ایجازه نی وئرمز!

* هله سوزون اونملی یئری بوردادیر کی ائرمنیلر بیزیم ان بویوک شهریمیز تبریزده بیر تبریزلینی توتوب نچه ساعاتلیق دوستاغا سالیملار هئچ بیریمیزین ده سسیمیز چیخما بیر یا چیخایلمه بیر!

*بابکین دوغوم گونو یاخینلاشینجا نچه یوزنفر حبسه آلینیر . مجتهدلردن بابکین مرتد اولماغینا حوکم آلینیر و آذربایجانین یازیق و مظلوم میللتی مین جوره چتینلیگه معروض قالیر .

آذربایجان یوللاری اوزللیکله کلیر یولو گوز آلتینا آلینیر . بویوک ماشینلارین (اوتوبوس، مینی بوس) قاباغی آلینیر . آذربایجان بوتونلوکله امنیتینی نیرولارین قوروغونا چئورلیر .

